

KUSHTET E PËRGJITHSHME TË KONTRATËS PËR SIGURIMIN E SPORTISTËVE NGA AKSIDENTET PERSONALE

I. Përcaktime

‘**I Siguruar**’ - Individu(ët) sportistë e emërtuar si të Siguruar, të dhënat e të cilëve paraqiten në Policën e Sigurimit apo në Listën e të Siguruarve ose në ndryshime të mëvonshme të saj, të moshës deri në 60 (gjashtëdhjetë) vjeç në datën e fillimit të Policës. Të Siguruarit që arrijnë këtë moshë gjatë periudhës së sigurimit, do të mbulohen deri në përfundim të kësaj periudhe.

‘**Policëmbajtës/ Kontraktues**’ – Personi Juridik (Punëdhënësi), Federata Sportive apo anëtar i saj, i përcaktuar si Kontraktues në Formularin e Policës.

‘**Përfitues**’ – Personi fizik apo juridik që përfiton nga kontrata e sigurimit në bazë të dipozitive ligjore mbi trashëgiminë apo mbi bazën e vullnetit të shprehur nga i Siguruarit dhe që përcaktohet në policën e sigurimit.

‘**Aksident**’ – Përcaktohet çdo ngjarje e papritur dhe e paparashikuar që ndodh në mënyrë rastësore pa vullnetin e të Siguruarit, gjatë kryerjes së aktivitetit sportiv të deklaruar apo seancave stërvitore, e identifikueshme për sa i përket kohës dhe vendit të ndodhjes, që ka impakt trupor të drejtpërdrejtë, të jashtëm dhe të dhunshëm mbi të Siguruarin dhe që sjell si rrjedhojë humbjen e jetës ose dëmtime trupore të të Siguruarit.

‘**Dëmtim Trupor Aksidental**’ – Dëmtim trupor që pëson i Siguruarit brenda periudhës së Policës, që shkaktohet vetëm dhe drejtpërdrejt nga mjete Aksidentale (duke përfshirë sëmundjet ose çrregullimet shëndetësore) gjatë kryerjes së aktivitetit sportiv të deklaruar apo seancave stërvitore dhe që sjell si rrjedhojë humbjen e jetës ose paaftësinë e të Siguruarit.

‘**Paaftësi e përhershme**’ – Paaftësia që rezulton nga aksidenti dhe që ndalon plotësisht të Siguruarin për të ushtruar aktivitetet sportive për të cilat është i aftë nga arsimimi, trainimi ose përvoja, dhe që zgjat të paktën 12 muaj të pandërprerë dhe në fund të kësaj periudhe është pa shpresë përmirësimi.

‘**Paaftësi e përkohëshme**’ – Paaftësia që rezulton nga aksidenti e cila e pengon të Siguruarin nga ndjekja apo ushtrimi i seancave stërvitore apo aktivitetet sportive të deklaruara.

‘**Humbja e një gjymtyre**’ – Do të quhet humbja si rezultat i shkëputjes së dorës nga kyçi e lartë ose e një këmbë nga kyçi e lartë dhe përfshin sëbashku humbjen e pakthyeshme të dorës, krahut ose këmbës.

‘**Policë sigurimi**’ – Këto kushte, Formulari dhe çdo shtojcë ose ndryshim i mëvonshëm i nënshkruar nga Siguruesi.

‘**Shuma e Siguruar**’ – Shuma e Siguruar përcaktohet në Policën e Sigurimit për të gjithë periudhën e sigurimit. Pas pagesës së çdo përfitimi, Shuma e Siguruar deri në fund të periudhës së sigurimit do të përcaktohet nga diferenca e vlerës fillestare të Shumës së Siguruar dhe vlerës së përfitimeve të paguara.

‘**Përfitim**’ – Shuma përkatëse e sigurimit ose pjesë të saj siç përcaktohet në Formularin e Policës dhe Tabelën e Përfitimeve, e pagueshme nga Siguruesi në përputhje me kushtet dhe parashikimet e kësaj Police për çdo ngjarje ose dëmtim që mbulohet nga kjo Policë.

‘**Spital**’ - Do të quhet një person juridik i licencuar nga organet përkatëse të vendit ku ndodhet, për të shërbyer si qendër mjekësore apo kirurgjike; qëllimi i të cilës është kujdesi në ambjentet e saj të kujdeset për të sëmurët dhe të plagosurit; ku pacienti është nën kujdesin e vazhdueshëm të një mjeku dhe ku mbahen të dhënat mbi problemet shëndetësore të tij. SPA-të, Hidro Klinikat, institucionet që ofrojnë shërbime sanitare për personat e paaftë (sanitaria) Institutet e Rihabilitimit përfshirë institucionet për personat me aftësi të kufizuara, psikologët dhe sociologët dhe profesione të ngjashme me to, dhe Azilet për të Moshuarit nuk do të konsiderohen si spitale.

‘Trajtim me shtrim në spital’ - Çdo qëndrim mbi 24 orë të njëpasnjëshme në një spital, si pasojë e një aksidenti, nën mbikëqyrjen dhe kujdesin e një mjeku.

‘Kirurgji ditore’ - Do të quhet kirurgjia në një qendër mjekësore/spital ku pacienti nuk e ka të nevojshme nga ana mjekësore që të qëndrojë më shumë se 24 orë;

II. Objekti i mbulimit me Sigurim

Në përputhje me parashikimet e kushteve të përgjithshme dhe Tabelës së Përfitimeve, shoqëria e sigurimeve SIGAL UNIQA Group AUSTRIA sh.a, Blv. Zog I, Tiranë (këtu më poshtë do të quhet ‘SIGAL’ ose ‘Siguruesi’) do të paguajë përfitim për shkak të paaftësisë apo humbjes së jetës që mund të rezultojë si pasojë e një aksidenti ose dëmtimi aksidental të pësuar nga i siguruari, brenda territorit të Shqipërisë, gjatë periudhës së sigurimit të treguar në policë dhe për të cilën ky sigurim është i vlefshëm, gjatë ushtrimit të aktiviteteve sportive, seancave stërvitore apo aktiviteteve të organizuara nga Klubi përkatës sipas llojit të sportit për të cilin është siguruar.

III. Persona që nuk mbulohe me Sigurim

SIGAL nuk ofron mbulim për:

- a. Persona që vuajnë nga alkoolizmi, narkotizmi, çdo lloj sëmundjeje apo shqetësime mendore, skicofrenia, format maniako depresive të gjendjes paranojake apo sindromat organiko - cerebrale;
- b. Personat që praktikojnë sporte me rrezikshmëri të lartë si gara me makina, parashutizmi, kërcim me ski dhe sporte të ngjashme me to, nëse nuk është marrë më parë nga SIGAL në formë të shkruar aprovimi i mbulimit me sigurim.
- c. Personat mbi 40 vjeç. Në rast se kerkohet keto persona do të sigurohen me kushte speciale sigurimi dhe tarifash.

III. Përjashtime të mbulimit në Sigurim

SIGAL nuk do të mbulojë humbjen e jetës, paaftësinë apo dëmtime trupore të të Siguararit që janë rrjedhojë direkte ose indirekte e:

- a. luftës, pushtimit, veprimeve të armikut të jashtëm, armiqësive/luftimeve (pavarësisht nëse është shpallur luftë ose jo), luftës civile, rebelimit, revolucionit, revoltës, kryengritjes ose masat për qetësimin e tyre;
- b. përmbytjes, zhvendosjes së tokës, shpërthimeve vullkanike, tërmeti, katastrofave natyrore;
- c. qëndrimit në zona klimaterike të rrezikshme ose pjesëmarrjes në ekspedita për qëllime të ndryshme;
- d. pjesëmarrjes së të Siguararit në aktivitete të tjera jashtë profilit të aktivitetit sportiv.
- e. praktikimit nga ana e të Siguararit të veprimtarive sportive të ndryshme nga ato të përcaktuara si disiplinë sportive në Policën e Sigurimit;
- f. përdorimit të një mjete fluturimi me ose pa motor, qoftë drejtues apo anëtar i ekuipazhit të tij;
- g. të gjitha llojeve të sëmundjeve;
- h. përdorimit të alkoolit, për shkak të dehjes, përdorimit të drogës apo substancave halucinatave apo abuzimit me substanca kimike (ilaçe ose droga);
- i. përkeqësimet e shëndetit për shkak të trajtimeve mjekësore, terapive, injeksioneve, ndërhyrjeve kirurgjikale, kurimit apo kontrolleve për pasojë që nuk janë shkaktuar nga aksidentet e mbuluara nga ky sigurim;
- j. vetëvrasjes ose tentativës për vetëvrasje ose akteve të kryera me dashje apo të tentuara nga i siguruari edhe nëse personi nuk është i përgjegjshëm në momentin e ndodhjes së aktit,
- k. dëmtimeve të shkaktuara vetëvetes edhe nëse personi nuk është i përgjegjshëm në momentin e ndodhjes së aktit, si edhe zhvillimi i aktivitetit sportiv në kundërshtim me këshillat e mjekut;
- l. ekspozimit ndaj të gjitha llojeve të radiacionit pavarësisht nga origjina e shkaktimit të tyre;
- m. aksidenteve apo sëmundjeve të ndodhura/shkaktuara përpara datës së fillimit të mbulimit në sigurim;

- n. ndikimit të problemeve mendore apo çdo lloj defekti fizik apo mendor i të sigurvearit që nuk është shkaktuar nga aksidenti gjatë periudhës së siguruar;
- o. Sindromës së Deficiencës Imunitare të Fituar (AIDS) dhe gjendjeve shëndetësore të lidhura me të;
- p. gëlltitjes, thithjes apo injektiveve të vullnetshme të substancave farmaceutike, kimike, apo drogave pa autorizim nga mjeku;
- q. pjesëmarrjes së të Sigurvearit në zënka dhe grindje; përfshirjes ose tentativës së kryerjes nga ana e të sigurvearit në aktivitete të paligjshme, kriminale apo keqbërëse.
- r. shtatzani apo lindje, normale apo emergjente, pavarësisht nëse i Sigurveari ka patur apo jo dijeni përpara marrjes në sigurim.
- s. Veprimtari profesionale sportive (gara apo stervitore) te cilat nuk jane deklaruar si profesione
- t. Semundje te cdo lloji qe ndodhin vetem per shkaqe te brendeshme te cilat shkaktojne paaftesi te perkoheshme, te perhereshme apo vdekjen si dhe shpenzimet mjekesore.

IV. PËRFITIMET

1. Përfitimi në rast humbje jete – Nëse gjatë periudhës që kjo Policë është në fuqi, i Sigurveari pëson Dëmtim Trupor Aksidental me pasojë humbjen e jetës, Sigurveari me marrjen dhe miratimin e provave të nevojshme do t'i paguajë Përfituesit vlerën e përfitimit të barabartë me 100% të shumës së sigurimit të përcaktuar në Policën e Sigurimit.

2. Përfitimi në rast paaftësie të përhershme – Nëse gjatë periudhës që kjo Policë është në fuqi, i Sigurveari pëson Dëmtim Trupor Aksidental me pasojë Paaftësinë e përhershme të plotë ose të pjesshme të përshkruara në Tabelën D të Përfitimeve, atëherë Sigurveari, me marrjen dhe miratimin e provave të nevojshme, do të paguajë shumën përkatëse të përfitimit sipas Tabelës D të Përfitimeve. Në rast të paaftësisë së përhershme jo të treguar në këtë tabelë, përfitimi përcaktohet duke patur parasysh shkallën e humbjes së aftësive normale fizike dhe mendore të të Sigurvearit-

3. Përfitimi në rast paaftësie te përkohshme – Nëse gjatë periudhës që kjo Policë është në fuqi, i Sigurveari pëson Dëmtim Trupor Aksidental me pasojë Paaftësinë e përkohshme, Sigurveari me marrjen dhe miratimin e provave të nevojshme, do të paguajë një përfitim të llogaritur mbi bazën e vlerës së shpërblimit ditor të përcaktuar në Policën e Sigurimit dhe ditet e paaftësisë së përkohshme gjate te cilave nuk ka marre pjese ne aktivitete sportive, te vertetuara nga mjeku. Përfitimi per paaftësi të përkohshme llogaritet për një periudhë maksimale prej 180 ditë të cilat duhet të jenë të njëpasnjëshme dhe do të përfshihet në vlerën e përfitimit që do të llogaritet në rast vdekje apo paaftësie të përhershme.

4. Shtesë mbulimi në sigurim - Palët mund të bien dakord që të zgjerojnë mbulimin në sigurim nga aksidentet dhe të përfshijne në sigurim dhe pagesat për shpenzimet mjekësore që rezultojnë në rast Dëmtimi trupor aksidental të të sigurvearit, sipas përcaktimeve të dhëna në Policën e sigurimit në “Shtesë Mbulimi në Sigurim nga Aksidentet”.

SIGAL në përputhje me listën e Përfitimeve të përcaktuar në policën e sigurimit, zonës së mbulimit, dhe kushteve këtu do të paguajë shpenzimet mjekësore që rezultojnë nga aksidentet dhe pasojat e tyre, deri në vlerën e limitit vjetor të përcaktuar në policë për çdo përfitim.

SIGAL nuk do te paguajë / rimburojë asnjë shpenzim që nuk është i listuar/përcaktuar në listën e Përfitimeve.

Shpenzimet mjekësore në rast shtrimi në Spital Publik paguhen për një periudhë maksimale deri në 60 ditë dhe në bazë të vlerës së shpërblimit ditor të përcaktuar në policë.

V. KËRKESA PËR DËMSHPËRBLIM

1. Njoftimi i ngjarjes së Sigurimit – Çdo ngjarje ose dëmtim që mund të çojë në një kërkesë për pagesë / përfitim sipas kësaj police, duhet ti njoftohet me shkrim Sigurvearit brenda 48 orësh nga ndodhja. Mosnjoftimi brenda periudhës kohore të parashikuar më sipër nuk do ta bëjë të pavlefshme kërkesën për

përfitim nëse provohet se nuk ka qenë e mundur dhënia e njoftimit dhe se njoftimi është dhënë sapo ka qenë mundësuar në mënyrë të arsyeshme.

I siguruari duhet sa më shpejt që të jetë e mundur që të kontaktojë një mjek të kualifikuar për të marrë kujdesin e duhur mjekësor, të ndjekë këshillat dhe rekomandimet e mjekut dhe ato të Siguruesit si dhe duhet të bëjë përpjekje maksimale për të minimizuar pasojat e aksidentit.

2. Kërkesa për pagesë - I Siguruari ose Përfituesi paraqet kërkesën për pagesë së cilës duhet ti bashkëngjiten të gjithë dokumentat e nevojshme që vërtetojnë Rastin e Sigurimit, pasojat dhe dëmtimet në aksident.

I Siguruari ose Përfituesi duhet të paraqesë në çdo rast dhe jo më vonë se 30 ditë nga lëshimi i tyre, dokumentat mjekësore, certifikatat mjekësore apo çdo lloj dokumentacioni tjetër që lidhet me aksidentin e që do t'i kërkohej nga Siguruesi. Shpenzimet për marrjen e dërgimin e dokumentave mbulohej nga i Siguruari. Siguruesi paguan përfitim për pasojat e drejtpërdrejta dhe ekskluzive të shkaktuara nga aksidenti i ndodhur brenda periudhës së sigurimit.

Në rast se në momentin e ndodhjes së aksidentit, I Siguruari nuk është fizikisht i plotë dhe i shëndetshëm, janë të kompensueshme vetëm pasojat që do të mund të vërtetoheshin patjetër sikur aksidenti t'i kishte ndodhur një personi fizikisht të plotë dhe të shëndetshëm.

Në rast se shkaktohet humbje anatomike ose pakësimi funksional i një organi apo i një gjymtyre të dëmtuar para aksidentit, përqindjet e treguara në Tabelën D të Përfitimeve do të reduktohen duke mbajtur parasysh shkallën e invaliditetit të mëparshëm.

Siguruesi do të ketë të drejtë por jo detyrim, që me shpenzimet e tij t'i kërkojë të Siguararit të kryejë kontrolle mjekësore gjatë shqyrtimit të kërkesës për përfitim.

Në rast se në sigurim është i përfshirë edhe mbulimi i shpenzimeve mjekësore sipas “Shtesë mbulimi në sigurim nga aksidentet”, i siguruari dërgon të gjitha letrat mjekësore bashkë me rekomandimet dhe faturat tatimore origjinale që vërtetojnë shpenzimet mjekësore të kryera.

3. Pagesa e përfitimit – Pagesa e përfitimit do të kryhet në favor të të siguararit, trashëgimtarëve ligjore apo përfituesit të caktuar prej tij në policën e sigurimit.

Nëse kryhen kërkesa për përfitim që janë mashtruese në ndonjë aspekt, apo i Siguruari apo përfaqësues që veprojnë në emër e për llogari të tyre përdorin mjete ose metoda mashtrimi për të përfituar pagesa sipas kësaj Police, atëherë Siguruesi nuk do të ketë përgjegjësi për pagesën e këtyre kërkesave.

VI. Parashikime të tjera

Fillimi dhe Përfundimi i mbulimit me sigurim – Kjo policë hyn në fuqi ditën e shënuar në Formularin e Policës si data e fillimit të periudhës së sigurimit.

Mbulimi në sigurim për të Siguararin do të përfundojë me ndodhjen e më të hershmes të njërës prej ngjarjeve të mëposhtme:

- a. Përfundon periudha e sigurimit në datën e treguar në policë;
- b. Pas pagesës së përfitimit maksimal.

Pagesa e Primit të Sigurimit – Primi i sigurimit paguhet i plotë, sipas datës së përcaktuar në Policën e sigurimit. Nëse primi nuk paguhet si më sipër atëherë kjo Policë bëhet e pavlefshme dhe mbulimi i dhënë prej saj përfundon prej fillimit.

Kufijtë gjeografikë – Mbulimi i dhënë nga kjo policë është i vlefshëm brenda kufijve territorialë të Republikës së Shqipërisë. Siguruesi dhe i siguruari mund të bien dakord që të zgjerojnë kufirin gjeografik të mbulimit duke e përcaktuar në Policën e Sigurimit.

Anullimi i policës së sigurimit- Siguruesi ka të drejtë të zgjidhë Policën e Sigurimit për shkak të njoftimeve e deklarimeve të pasakta të kryera me qëllim nga i Siguruari. Në këtë rast i Siguruari ka të drejtën e pjesës së primit për periudhën e mbetur, duke zbritur shpenzimet administrative.

Siguruesi ka të drejtë të zgjidhë Policën e Sigurimit në rast se i Siguruari nuk paguan primin ose këstin e tij në përputhje me afatet e përcaktuara në policë.

Trashëgimtarët Ligjorë të të siguruarit kanë të drejtë të kërkojnë zgjidhjen e Policës së Sigurimit në rast se i Siguruari vdes për shkak të rreziqeve që nuk mbulohen nga Kushtet e Sigurimit.

Juridiksioni - Çdo kundërshti mbi këtë Policë që nuk mund të zgjidhet me mirëkuptim reciprok është juridiksion i legjislacionit të Republikës së Shqipërisë dhe Gjykatës së Rrethit Gjyqësor ku është lëshuar polica e sigurimit.

Përmbushja e parashikimeve të policës- Mospërmbushja e parashikimeve të kësaj Police do t'i bëjë të pavlefshme kërkesat për përfitim.

Korrespondenca - Korrespondenca midis Siguruesit dhe Siguruesit do të zhvillohet me shkrim.

Ndryshime te kushteve te kontrates - Çdo ndryshim i mundshëm i kushteve të kontratës duhet të miratohet me shkrim nga i Siguruari dhe Siguruesi. Në respekt të **nenit 686 te Kodit Civil** i siguruari deklaron se kushtet e pergjithshme dhe pjesa e kufizimeve apo perjashtimeve nga sigurimi të kësaj kontrate sigurimi nënshkruar me shoqërinë SIGURUESE SIGAL UNIQA Group AUSTRIA sh.a janë të **njohura dhe pranuar prej nesh**. Këto terma i kemi negociuar dhe pranuar me vullnet te plote e te lirë pasi jemi konsultuar me dispozitat ligjore në fuqi.

Policëmbajtësi /Përfituesi bie dakort që në rast mosmarrveshje ndërmjet tij dhe Siguruesit të ndërmjetësorë dhe ta zgjidhë sipas rregullave të procedurës të brendshme të zgjidhjes jashtëgjyqësore të mosmarrëveshjeve. Për këtë qëllim është informuar mbi rregullat e brendshme të shoqërisë për mbrojtjen konsumatore.

MBROJTJA E TE DHENAVE PERSONALE

46. I siguruari është njohur me deklaratën e privatesise të shoqërisë së sigurimeve dhe autorizon SIGAL UNIQA GROUP AUSTRIA sh.a që të mbledhë dhe përpunojë të dhënat dhe informacionin personal i cili nevojitet për administrimin e kontratës së sigurimit, për dhënien e shërbimeve ndaj të siguruarit dhe përfituesit përfshirë trajtimin e dëmit, për ofrimin e produkteve apo shërbimeve të reja, bazuar në ligjet përkatëse në fuqi (Ligji Nr. 9887, date 10.03.2008, "Për mbrojtjen e të dhënave personale") si dhe transferimin e të dhënave personale tek te tretë për qëllime të sigurimit apo biznesi të cilët garantojnë gjithashtu mbrojtjen e të dhënave personale. Ne cdo rast, mbrojtja e te dhenave personale do te behet ne perputhje me rregullat dhe procedurat e percaktuara ne Ligjin Nr. 9887, date 10.03.2008, "Për mbrojtjen e të dhënave personale".

E DREJTA E INFORMIMIT

47. I siguruari ka te drejten te informohet nga Siguruesi mbi kushtet, procedurat dhe afatet e mbulimit dhe/ose perfitimit nga sigurimi, informim i cili fillon para nënshkrimit të kontratës dhe vazhdon gjatë periudhës së vlefshmërisë së kontratës. Informimi merret nepermjet telefonit, e-mailit, faqes zyrtare ne internet apo broshurave informative te perdoruara nga shoqeria dhe ne Departamentin e Shendetit dhe Aksidenteve ne adresen e email infoshendet@sigal.com.al.

48. I siguruari dhe/ose Policëmbajtësi janë informuar nga Siguruesi përpara nënshkrimit të kontratës së sigurimit, duke marrë te gjithë informacionin e nevojshëm në lidhje me te dhenat juridike te siguruesit, llojin përkatës të sigurimit, procedurat, afatet, metodat e trajtimit te kerkesave per demshperblim, rreziqet e mbuluara dhe te perjashtuara, metodat e llogaritjes, afatet dhe menyra e pageses se primit, metoden e llogaritjes se vleres se kompesueshme dhe cdo informacion tjetër që ka lidhje me kontratën e sigurimit.

E DREJTA E TE SIGURUARIT PER TU ANKUAR

49. I siguruari apo persona të tjerë të interesuar, kanë te drejte të paraqesin një ankesë pranë shoqërisë së sigurimit, ne rast se cmojne se shoqeria e sigurimit nuk u përmbahet kushteve të vendosura në kontratën e sigurimit. Ankesa mund te paraqitet ne forme elektronike (e-mail) Ankesa mund te paraqitet ne forme elektronike (e-mail) ne adresen infoshendet@sigal.com.al ose me shkrim ne adresen postare te shoqerise **Bulevardi Zog I-re Nr.1 Tirane Shqiperi Kutia Postare Nr.2387.** Shoqëria e sigurimit do ti pergjigjet çdo ankesë të depozituar me shkrim apo në formë elektronike dhe do te jap çdo informacion të kërkuar që ka lidhje me kontratën e sigurimit, brenda afateve te percaktuara ne ligj.

50. Kjo kontratë sigurimi hartohet dhe zbatohet në përputhje me kushtet e percaktuara si më sipër, Kodin Civil, Ligjin nr.52 të vitit 2014 “Për veprimtarinë e sigurimeve dhe risigurimeve”

51. **Ndryshime të kushteve të kontrates** - Çdo ndryshim i mundshëm i kushteve të kontratës duhet të miratohet me shkrim nga i Siguruari dhe Siguruesi. Në respekt të **nenit 686 të Kodit Civil** i siguruari deklaron se kushtet e pergjithshme dhe pjesa e kufizimeve apo perjashtimeve nga sigurimi të kësaj kontrate sigurimi nënshkruar me shoqërinë SIGURUESE SIGAL UNIQA Group AUSTRIA sh.a janë të **njohura dhe pranuar prej tij**. Këto terma i kemi negociuar dhe pranuar me vullnet të plote e të lirë pasi jemi konsultuar me dispozitat ligjore në fuqi.

Policëmbajtësi /Përfituesi bie dakort që në rast mosmarrveshje ndërmjet tij dhe Siguruesit të ndërmjetësorë dhe ta zgjidhë sipas rregullave të procedurës të brendshme të zgjidhjes jashtëgjyqësore të mosmarrëveshjeve. Për këtë qëllim është informuar mbi rregullat e brëndshme të shoqërisë për mbrojtjen konsumatore.

52. **NENSHKRIMET E PALEVE NE POLICEN E SIGURIMIT VERTETOJNE SE KANE RENE DAKORT ME INFORMACIONIN E DHENE PARAPRAKISHT, KANE LEXUAR DHE KUPTUAR TE GJITHA TERMAT DHE KUSHTET E KESAJ KONTRATE SIGURIMI, DHE PRANOJNE ME VULLNET TE LIRE T'I RESPEKTOJNE ZBATOJNE ATO. KETO KUSHTE JANE NJOHUR DHE PRANUAR PER TU RESPEKTUAR DHE ZBATUAR NGA PERFITUESI I KESAJ KONTRATE I CILI ESHTË DHE MBAJTES I KONTRATES.**

Tabela D e Përfitimeve

Humbja		Përfitimi i pagueshëm në përqindje ndaj Shumës së Sigurimit të percaktuar në Formular
A	Humbja e jetës	100%
B	Paaftësi e Përhershme	
1	Paaftësi e Plotë e Përhershme	100%
2	Humbje ose humbje e plotë e përhershme e përdorimit të dy gjymtyrëve	100%
3	Humbje ose humbje e plotë e përhershme e përdorimit të një gjymtyre	75%
4	Humbje e plotë e përhershme e shikimit në të dy sytë	100%
5	Humbje e plotë e përhershme e shikimit në një sy	75%
6	Humbje ose humbje e plotë e përdorimit të një gjymtyre dhe humbja e shikimit në një sy	100%
7	Humbje e të folurës dhe dëgjimit	100%
8	Humbje e përhershme dhe e pakurueshme e shëndetit mendor	100%
9	Humbje e plotë e përhershme e dëgjimit	
	a) në të dy veshët	70%
	b) në një vesh	20%
10	Humbje e plotë e të folurës	70%
11	Humbje ose humbje e plotë e përhershme e përdorimit të pesë gishtërinjve të dorës	
	a) të djathtë	50%
	b) të majtë	30%
12	Humbje ose humbje e plotë e përhershme e përdorimit të katër gishtërinjve të dorës	
	a) të djathtë	30%
	b) të majtë	15%
13	Humbje ose humbje e plotë e përhershme e përdorimit të gishtit të madh të dorës	
	a) të dyja falangat e gishtit të djathtë	30%
	b) një falangë e gishtit të djathtë	15%
	c) të dyja falangat e gishtit të majtë	20%
	d) një falangë e gishtit të majtë	10%
14	Humbje ose humbje e plotë e përhershme e përdorimit të gishtërinjve të tjerë	
	a) tre falanga të një gishti të dorës së djathtë	10%
	b) dy falanga të një gishti të dorës së djathtë	7%
	c) një falange e një gishti të dorës së djathtë	5%
	d) tre falanga të një gishti të dorës së majtë	7%
	e) dy falanga të një gishti të dorës së majtë	5%
	f) një falange e një gishti të dorës së majtë	3%

15	Humbje ose humbje e plotë e përhershme e përdorimit të gishtërinjve të këmbës	
a)	të gjithë gishtërinjtë e një këmbe	10%
b)	dy falanga të gishtit të madh të këmbës	5%
c)	një falangë e gishtit të madh të këmbës	3%
d)	seicili prej gishtave përveç gishtit të madh	1%
16	Shkurtim i këmbës me të paktën 5 cm	7%
17	Djegje të shkallës së tretë	
Zona:	Dëmtimi si përqindje e Sipërfaqes së Përgjithshme të Trupit	
- koka	e barabartë ose më e madhe se 2% por më pak se 5%	25%
	e barabartë ose më e madhe se 5% por më pak se 8%	40%
	e barabartë ose më e madhe se 8%	100%
- trupi	e barabartë ose më e madhe se 10% por më pak se 15%	25%
	e barabartë ose më e madhe se 15% por më pak se 20%	40%
	e barabartë ose më e madhe se 20%	100%

Kushte të veçanta:

- Përfitimi i përgjithshëm i pagueshëm në lidhje me paaftësitë që janë rrjedhojë e të njëjtit dëmtim llogaritet duke mbledhur përqindjet e tyre por nuk do të kalojë 100% të shumës së sigurimit dhe Siguruesi nuk do të jetë më përgjegjës sipas kësaj Police për të njëjtin të Siguruar për Dëmtime Trupore Aksidentale.
- Në rastet kur i Siguruari është mëngjërash, përqindjet e përfitimeve të pikave 11 deri 14 më sipër do të këmbehen duke pasur parasysh se përqindja më e lartë e përfitimit do të zbatohet për dorën e majtë dhe pjesët e saj.